

YUDA Ovoli Kĩ Yuda Tsele

¹ Ovoli kī to yī, Yuda, Yesu Kristo osumune a kī ĩnye Yakobo owaē a sekē. Ntsele ye mamena bati a kī Baguma ve, kī Baguma boe Olega awe be kale, ade yadāmena be akū kayi Yesu Kristo a.

² Baguma konyakamō, ye lukudō mō ye odo epo ne mi akū ebu.

Lubo a Kī Fovā Fotsa Batsane Aayamō.

³ Yī bakōba kī maátunō kale, tito kī mbōa mbōdi kī matsele mi ovoli ne ayekī Baguma kpa boe flee nkpā a akū malo ni, finyaa foyasī mō osī kī ntsele mi ovoli mōatse nkōa ndo mi kōbē mipuli mipili katekado osi a. Ade katekado kī Baguma kōa ekpa ye bati a deedimōape a.

⁴ Kitonekī bati kī baávila Baguma badi bēla pētē biwo ne mi kame ne mi katanyi kame. Bēdani boe oledo a kī bōte ne ayekī Baguma amō oti kōnya akū a, batsa fōtsa bebā kī fōkpa be osi bebōa obla kpa. Bisī boe Legānokōē mōape kī enye boe Olate Yesu Kristo. Katsēle Kpalēwa a le eyī ane titiiti kī Baguma aakō be kōtō lōmō.

⁵ Tito kī minyina fukī flee kōkōe malo ni, mawe kī makai mi kī boe Olate a nye Israelfō etomena Egiptefō tite akū, lemē ke liti a, ewōla bikī betāte ye bido a.

⁶ Mite ane kī Baguma ode fōtō banyane a kī betākēna ne otumi a kī bekpa be a akū kakēna wī, mbom bēdzakū ne be mōawe fudzikō a,

Baguma do be ne nkɔsɔnkɔsɔ kame daa ne ɔtũ kplĩ kame, kĩ bena ne awã kenaawo Luwi Kpale a kĩ yaadzemo be eko be koto.

⁷ Ade ayea Sodom mo Gomora mo temato a kĩ tifuã te a, bati kɔa be akũ bekpa adɔpaa mo obla kpa mo ɔsĩ mo ɔsĩ a. Baguma kɔa be edo ne fi kĩ fɔádĩ da kame kĩ fɔnya nfantuhũ fɔkpa bati flee.

⁸ Ade ayea fɔda bawane kĩĩ akena tokpa ne be moawe sukena akũ malo a. Baábu Baguma otumi a kĩ yanya be akũ a, ade bale tuwuli kpa ne ode fɔtsa a kĩ obu deĩ ne foe akũ a akũ.

⁹ Baguma Ode Fɔto ɔnyanenokɔẽ Flee Mikael malo tákena fukĩĩ odu. Kĩ ye mo Abonsam bevele fɔletsɔ ne be kame oti a kĩ ye aabɔe Mose ɔnokpa akũ malo ni, etádo ɔwɔle ele tuwuli kpa eko Abonsam koto, mbom ele kĩ, “ɔlate a ekã no ane.”

¹⁰ Leme bati kĩĩ ale fuvũnatsa ne letsɔ nye letsɔ kĩ betánu de kayo a akũ, ade fɔtsa a kĩ binyina bitomena be kabɔa kame nde ayekĩ tuwĩ kame bayae kĩ belá adzuni a malo nyina a, ade foe moape a awɔla be a.

¹¹ Bɔbɔe makpa be! Betsã osi a kĩ Kain tsã a. Ne sika a kĩ baana sũ ni, bekɔa be akũ bido ne tokpa a kĩ Balam kena a kame. Biyidza bedza ne Baguma mbla a akũ nde Kora aye, ade ke bewɔla be nde ye aye a.

¹² Nte mikpota mianya boe ɔlate ɔdo funitsã a, bati kĩĩ nye efĩĩ ne mi kame, awã kĩ baányoã kanya mo kamɔa kpafũũ ne Baguma ane. Be odi akũ badãmena. Bela nde luflututu kĩ oni leláa de kame, kĩ ɔwe abɔa de katẽmena. Bela nde futse

kĩ fɔ́áwũ babi nɛ kawũ lɔ́kɔ, ndɛ futse kĩ bebɔle mɔ tunu fuku, fuku fubuli.

¹³ Bela ndɛ mpo mui kĩ ɔwɛ mɔ ɔsĩ abɔa be bafũ kanyɛ be fɔnyɔ́atsa katsa ndɛ mui anɛ kuvũ aye. Bela ndɛ fusibii kĩ fɔato katɛ, bati kĩ Baguma manɛ kadzikɔ́ ɛkpa be nɛ ɔtũ kpli kame, awã kĩ baana daa.

¹⁴ Ade bati kĩ akũ Henok kĩ ɛnyɛ Adam kasinu kavũkɔnɔde a oti lɛ eyi kɔkɔkɔɛ kĩ, “ɔlate a mɔ ye ode fɔto banyanɛ kpalewa mpim mpim aya,

¹⁵ ɛyaadzɛmɔ katinya kame bati flee. Yaako bati a kĩ baávila Baguma a kɔto nɛ fɔtsa kpa a kĩ bekɛna, mɔ tuwuli kpa a kĩ bɛle nɛ ye akũ a sũ.”

¹⁶ Bati kĩ akɛna hũhũhũhũ daa, kanyɛ nfu-musu kakpa bati bebã. Batomɛna be mɔawɛ fɔwɛtsa kpa liti, bapia akũ, ade bakɛ bati mɔ sɛmɛ menɛmɛnɛ ayekĩ baana lɛtsa a kĩ de bawɛ a.

Osi Kasua Mɔ Kɔde Kakpa.

¹⁷ Lɛmɛ mi yĩ bakɔba, mite anɛ nɛ boe ɔlate Yesu Kristo fɔto banyanɛ fɔlɛtsa a kĩ bɛle biyi nɛ lɔkɔ a kĩ lɛyatɛ kame a akũ.

¹⁸ Bibi mi kĩ, “Nɛ fuwi nkaɛ a kame ni, bati aanɛ, bidi mi nsekuo, bitomɛna be sukɛna fɔwɛtsa kĩ fɔakɔ odo liti nɛ Baguma katavila kame.”

¹⁹ Ade be nyɛ bati kĩ basɛ bati kame a, bati kĩ katinya kame fɔwɛtsa nya be akũ, mɔ bati kĩ Hũhũ a lɛlãa be kame.

²⁰ Lɛmɛ mi yĩ bakɔba, mi kɔ́ ni, mikaabo anɛ nɛ mi katekado kĩ kɛnyɛ mi fɔtsa kpalewa a

kame, lókɔa mibɔa mpae ne Hũhũ Kpalewa a kɔbẽ kame.

²¹ Mikɔla mi akũ ne Baguma ɔɔɔ kame, ne lókɔ a kĩ miadzɔle boe Ɔlate Yesu Kristo kɔnyakamɔ a kĩ kɔayakpa mi nkpã kĩ elá kawũna a.

²² Mimó be kame bikĩ betásipi ne katekado kame a kɔnya.

²³ Bati bebã a kĩ banaa fi kame a ni, miwãne be minye, mite be nkpã. Mimó bati bebã kɔnya lemɛ mivila be, lókɔa mikesĩ be fɔkelatsa ndɛ ayekĩ míawẽ sukɛna tetadie kpitii a.

Kɔlekanye Mpaɛɔ.

²⁴ Baguma a kĩ yaapuli epi mi ayekĩ miláato, ɛkpã mi ne kawɔle kame mínaawo ye kukũkpale a anɛ, kĩ nfumusu adima leláa mi akũ.

²⁵ Baguma odi keĩ kĩ etsã boe Ɔlate Yesu Kristo akũ ɛkɛna ye boe Ɔtɛnɛ a, ade ye mɔ obu, kamu, kɔbẽ mɔ otumi nye ye fude a, kito anɛ kɔkɔɛ, mɔ finyaa kanaa daa. Fɔya lɔmɔ.

Tuwuli

Tuwuli: Baguma Apam Vɔɔ a Tuwuli New Testament

copyright © 2008 Wycliffe Bible Translators, Inc.

Language: Tuwuli

Contributor: Wycliffe Bible Translators, Inc.

All rights reserved.

2025-04-29

PDF generated using Haiola and XeLaTeX on 28 Apr 2025 from source files dated 29 Apr 2025

68df0193-2981-5275-8994-8f743fe01e5e